

Concello de Outes



CERTIFICADO

Expediente núm.:
951/2019

Órgano Colexiado:
O Pleno

**MÍRIAM NAVEIRA DONO, EN CALIDADE DE SECRETARIA DESTE ÓRGANO,
CERTIFICO:**

Que, na sesión desenvolvida o 28 de novembro de 2019 se adoptou o seguinte acordo:

Expediente 951/2019. Aprobación ou Modificación de Ordenanza Fiscal

Reguladora

Expediente núm.: 951/2019

Procedemento: Aprobación ou Modificación de Ordenanza Reguladora

ANTECEDENTES

«Á vista dos seguintes antecedentes:

Documento	Data/Núm.	Observacións
Plan Normativo	26/09/2019	APROBADO
Consultas previas	Desde o 11/10/2019	10 días naturais
Providencia de Alcaldía	25/10/2019	
Informe de Secretaría	Núms.- 77 e 78, do 14/11/2019	- Procedemento. - Vicios procedimentais non determinantes de nulidade
Memoria económico-financeira	15/11/2019	- Importe do prezo público inferior ó custe do servizo. Deben quedar acreditadas no expediente as razóns sociais, benéficas, culturais ou de interese público que o xustificuen.
Informe de Intervención	15/11/2019	Favorable con os observacións.
Informe proposta de Secretaría	20/11/2019	Favorable

Examinada a totalidade do expediente tramitado para a aprobación da Ordenanza reguladora do prezo público pola prestación do servizo no Punto de Atención á Infancia

Concello de Outes



Concello de Outes

(PAI), en aplicación das previsións contidas no artigo 21. 1. c) da Lei 7/1985, de 2 de abril, Reguladora das Bases de Réxime Local, e no artigo 47 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo, o Pleno da Corporación, con cinco (5) votos a favor e oito (8) abstencións, procede á adopción do seguinte

ACORDO

PRIMEIRO. Aprobar a Ordenanza reguladora do prezo público pola prestación do servizo no Punto de Atención á Infancia (PAI), nos termos que figuran no expediente, coa fixación das correspondentes tarifas para a prestación do servizo, e que a continuación se transcriben:

“ORDENANZA REGULADORA DO PREZO PÚBLICO POLA PRESTACIÓN DO SERVIZO DO PUNTO DE ATENCIÓN Á INFANCIA DO CONCELLO DE OUTES

Artigo 1.-Obxecto

Este Concello establece o prezo público do punto de atención á infancia especificado nas tarifas comprendidas no artigo 3, punto 7, que se rexerá pola presente ordenanza, de conformidade co disposto nos artigos 41 a 47 do RDL 2/2004 de 5 de marzo polo que se aproba o Texto Refundido da Lei Reguladora das Facendas Locais.

Artigo 2.- Persoas obrigadas ao pagamento

Están obrigadas a pagar o prezo público regulado nesta ordenanza as persoas físicas beneficiarias do servizo do punto de atención á infancia que presta este Concello, nos termos e nas condicións establecidos no regulamento de réxime interior deste. Estas persoas teñen a consideración de obrigadas ao pagamento do prezo público. A prestación deste servizo constitúe o feito impositivo deste prezo público.

Artigo 3.-Regras de definicións para a determinación do importe que se vai pagar

1. Entenderase por unidade familiar a formada polos cónxuxes non separados legalmente e:

a)os/as fillos/as menores, con excepción dos que, con consentimento dos/as pais/nais, vivan independentes destes/as.

b)os/as fillos/as maiores de idade incapacitados xudicialmente suxeitos á patria

Concello de Outes



Concello de Outes

potestade prorrogada ou rehabilitada.

c)os/as fillos/as maiores de dezaioito anos con diversidade funcional nun grao superior ao 33 por cento.

2. A determinación dos membros da unidade familiar realizarase atendendo á situación existente no 31 de decembro do ano a que se refiran os datos económicos a que se refiren as seguintes regras.

3. Tomarase o importe dos ingresos totais da unidade familiar, que será o resultado da agregación das rendas do exercicio anterior a aquel en que dea comezo o curso escolar, no cal pretenda que produza efectos, de cada un dos membros da unidade familiar, calculadas por agregación da base impositiva xeral coa base impositiva do aforro, calculadas segundo os criterios establecidos na normativa do imposto sobre a renda das persoas físicas.

4. Documentación acreditativa da situación económica:

a) Última declaración da renda de todos os membros da unidade familiar. Para o suposto de que non se teña presentada, o/a interesado/a deberá asinar a correspondente autorización ao Concello de Outes para obter da AEAT os datos de carácter tributario necesarios para a determinación da renda da unidade familiar. A estes efectos todos os membros con ingresos, que compoñen a unidade familiar, deberán asinar a dita solicitude.

b)No suposto de percibir pensión, certificado expedido polo Instituto Nacional da Seguridade Social ou da administración autonómica pagadora da mesma.

c)Nos casos de nulidade matrimonial, separación ou divorcio considerarase a renda de quen exerza a garda e custodia do/a menor e as pensións compensatorias que perciba o cónxuxe que a ostente e de alimentos dos/as fillos/as ao seu cargo. No caso de non as percibiren, acreditarase esta circunstancia coa copia da reclamación xudicial



Concello de Outes

presentada ao efecto.

A documentación citada anteriormente fará referencia ás circunstancias existentes ao momento de apertura do prazo de renovación de praza, preinscrición e matrícula.

De carecer de acreditación documental dalgunha das incidencias alegadas neste artigo, poderase presentar informe dos servizos sociais do concello correspondente. A falta de presentación dalgún destes documentos dentro do prazo de solicitude establecido suporá a renuncia implícita a ser valorado no apartado correspondente do baremo aplicable.

Cando se produzan causas sobrevidas que afecten aos recursos da unidade familiar, poderán presentar outros documentos que acrediten oficialmente a situación económica, sempre e cando as variacións de ingresos supoñan unha diminución ou un incremento de máis do 20% no cómputo anual fronte aos declarados na solicitude de praza, variacións que deberán ter unha duración dun mínimo de 4 meses para ser tidas en conta.

5. O importe anterior dividirase polo número de membros computables da unidade familiar. No caso de familias monoparentais, incrementarase nun 0,8 o número real de membros que compoñen a unidade familiar. Entenderase por familia monoparental a unidade familiar a que se refire a letra a) cando formase parte dela un único proxenitor ou proxenitora que non conviva con outra persoa con que manteña unha relación análoga á conxugal e sempre que o/a outro proxenitor/a non contribúa economicamente ao seu sustento.

6. A renda per cápita mensual será o resultado de dividir o importe anterior por doce.

7. O prezo pola atención educativa en xornada completa no PAI fíxase en 169,26€ mensuais. Segundo a renda per cápita mensual da unidade familiar, sobre este prezo aplicaranse as reducións que se especifican a continuación:



Concello de Outes

CONTÍA EN FUNCIÓN DO IPREM	ATENCIÓN EDUCATIVA		HORARIO AMPLIADO/HORA	SERVIZO DE COCIÑA (almorzo, comida, merenda)
	XORNADA COMPLETA	MEDIA XORNADA		
Inferior ó 30% do IPREM	0,00€	0,00€	21,16€	0,00€
Entre o 30% e inferiores ao 50% do IPREM	0,00€	0,00€	21,16€	6,00€
Entre 50% e inferiores ao 75% do IPREM	34,91€	17,45€	21,16€	6,00€
Entre o 75% e inferiores ao 100% do IPREM	69,81€	34,90€	21,16€	6,00€
Entre o 100% e inferiores ao 125% do IPREM	112,13€	56,06€	21,16€	6,00€
Entre o 125% e inferiores ao 150% do IPREM	133,29€	66,64€	21,16€	6,00€
Entre o 150% e o 200% do IPREM	147,05€	73,52€	21,16€	6,00€
Rendas superiores ao 200% do IPREM	169,26€	84,63€	21,16€	6,00€

8. O concello aplicará unha bonificación do 10% do custe da atención educativa en tódolos tramos de renda, no caso de que a poboación do concello rexistre unha diminución de acordo ao último dato publicado polo IGE en relación ao ano anterior.

9. Descontos:

Segundo as circunstancias da unidade familiar, sobre o prezo que resulte aplicar o

Concello de Outes

Rua da Vila 1, Outes. 15230 (A Coruña). Tfno. 981850003. Fax:



Concello de Outes

disposto no punto anterior aplicaranse os seguintes descontos que non son acumulables entre si:

- a) nenos/as pertencentes a familias numerosas, desconto dun 20%.*
- b) nenos/as pertencentes a familias monoparentais, desconto dun 20%.*
- c) cando asistan varios irmáns, o segundo e sucesivos terán un desconto dun 100%.*

Entenderase por familia numerosa aquela que reúna as condicións que determina a Lei 40/2003, do 18 de novembro, de protección ás familias numerosas.

Para a aplicación dos descontos terase en conta as circunstancias concorrentes no momento de presentación da solicitude de praza no PAI que deberán ser previamente xustificadas documentalmente de non coincidir coas circunstancias na data da presentación da declaración do IRPF.

10. Aplicación de tarifas.

- I. Os prezos públicos serán os establecidos polo Decreto 49/2012, do 19 de xaneiro, polo que se aproba o réxime de prezos das escolas infantís 0-3 da Xunta de Galicia e as súas actualizacións e seguirase o indicado na presente ordenanza e demais normativa aplicable para a súa modificación.*
- II. O prezo público por asistencia ao PAI fíxase segundo o que indique as taxas da Xunta (segundo o IPREM), que teñen en conta a renda per cápita mensual da unidade familiar, e unha vez aplicadas as diversas reducións que na mesma se contemplan.*
- III. Cando o/a alumno/a teña solicitada e concedida unha praza en réxime de media xornada, o prezo público de asistencia reducirase no cincuenta por cento do importe que lle corresponda aboar de acordo coa renda per cápita da unidade familiar. Enténdese por media xornada cando o neno/a permanece no PAI un máximo de 4 horas; e considérase xornada completa cando o neno/a permanece no PAI máis de 4 horas ao día.*

O pagamento das cotas realizarase mensualmente mediante domiciliación bancaria. Nos casos nos que o ingreso no centro se produza con



Concello de Outes

posterioridade ao día primeiro do mes a cota correspondente a pagar será proporcional aos días de asistencia ó centro.

IV. *As persoas usuarias non terán a obriga de aboar a cota durante os períodos do mes de vacacións e cando por calquera motivo distinto ao período de vacacións o centro permaneza pechado por un período superior a quince días naturais.*

V. *Revisión do prezo público: durante o curso poderase proceder á súa revisión, sempre que se produzan e xustifiquen variacións nas circunstancias económicas ou familiares referidas aos seguintes casos:*

- *A modificación das variables que determinan os descontos recollidos na normativa vixente en materia de prezos públicos.*
- *As variacións nos seus ingresos que impliquen unha modificación substancial na súa capacidade económica. Só se terán en conta as variacións que supoñan unha diminución ou incremento de máis do 20% no cómputo anual fronte aos ingresos declarados na solicitude de praza ou, de ser o caso, nunha variación posterior. Estas variacións deberán ter unha duración dun mínimo de 4 meses para ser tidas en conta e xustificarse por medio da declaración do IRPF, dun certificado emitido pola Axencia Estatal da Administración Tributaria ou por calquera outra documentación, que xustifique e permita un novo cálculo da renda per cápita da unidade familiar.*
- *A variación no número de membros da unidade familiar, se fose o caso.*

A/o beneficiaria/o queda obrigada/o a comunicar calquera variación que se produza ao respecto

Os prezos públicos establecidos nesta ordenanza actualizaranse segundo a normativa vixente que regule o réxime de prezos das escolas infantís 0-3 da Xunta de Galicia e as súas actualizacións para cada curso escolar, previa modificación acordada polo Pleno da corporación municipal.

11. Financiamento.



Concello de Outes

A prestación do servizo do PAI financiarase cos recursos xerais do Concello, cos prezos públicos que aboarán as persoas usuarias e con outras achegas das administracións con competencias na materia.

Artigo 4.-Modificación

A modificación dos prezos públicos fixados no presente Acordo corresponderá ao Pleno da Corporación, en virtude o artigo 47.1 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo.

Artigo 5.-Infraccións e sancións

As débedas polos prezos públicos aquí regulados poderán esixirse polo procedemento administrativo de prema, de conformidade co artigo 46.3 do Texto Refundido da Lei Reguladora das Facendas Locais, aprobado polo Real Decreto Legislativo 2/2004, de 5 de marzo e a norma de recadación que sexa de aplicación.

Artigo 6.-Lexislación aplicable

En todo o non previsto no presente Acordo estarase ao disposto no Texto Refundido da Lei Reguladora das Facendas Locais, aprobado por Real Decreto 2/2004, de 5 de marzo, a Lei 8/1989, de 13 de abril, de Taxas e Prezos Públicos, así como na Ordenanza Xeral aprobada por este Concello.

Artigo 7.-Disposición final

Esta ordenanza entrará en vigor o 14 de abril do presente ano 2019, salvo que en dita data non se teñan completado os trámites legais previstos nos artigos 49 e 70 da Lei 7/1985, de 2 de abril, Reguladora das Bases de Réxime Local. Neste caso, a vixencia queda demorada ó momento no que se de cumprimento ás previsións dos anteditos artigos.

SEGUNDO. Declarar a concorrencia de razóns sociais, benéficas, culturais e de



Concello de Outes

interese público que xustifican o establecemento de prezos públicos inferiores ó custe do servizo, xa que o Punto de Atención á Infancia e un servizo clave para a conciliación da vida familiar e laboral dos habitantes do Concello.

TERCEIRO. Publicar o presente Acordo no taboleiro de anuncios do Concello e en o *Boletín Oficial da Provincia* a efectos do seu xeral coñecemento.

Así mesmo, estará a disposición dos interesados na sede electrónica deste Concello <https://www.outes.gal/gl/anuncios>.

E para que conste, para os efectos oportunos no expediente da súa razón, de orde e co V.º B.º do Sr. Alcalde, coa excepción prevista no artigo 206 do Regulamento de Organización, Funcionamento e Réxime Xurídico das Entidades Locais aprobado por Real Decreto 2568/1986, do 28 de novembro, expídese a presente.

DOCUMENTO ASINADO ELECTRONICAMENTE

Concello de Outes

Rua da Vila 1, Outes. 15230 (A Coruña). Tfno. 981850003. Fax:

